

Javna ustanova Opća bolnica
„Prim. dr. Abdulah Nakaš“
Upravni odbor
Broj: 43-113/20
Sarajevo, 23.06.2020. godine

Na osnovu člana 65. i 67. Zakona o zdravstvenoj zaštiti („Službene novine F BiH“ broj 46/10 i 75/13), člana 13. stav (2) tačka b), člana 14. stav (8) Odluke o preuzimanju prava i obaveza osnivača i usklađivanju organizacije i poslovanja Javne ustanove Opća bolnica „Prim. dr. Abdulah Nakaš“ („Službene novine Kantona Sarajevo“ broj 7/12, 28/18 i 45/19) i člana 20. stav 2. tačka b. Statuta Javne ustanove Opća bolnica „Prim. dr. Abdulah Nakaš“ („Službene novine Kantona Sarajevo“, broj: 22/14, 11/19 i 45/19), Upravni odbor na 22. (dvadesetdrugoj) vanrednoj sjednici održanoj dana 23.06.2020. godine donio je

O D L U K U

o imenovanju vršioca dužnosti direktora
Javne ustanove Opća bolnica „Prim. dr. Abdulah Nakaš“

I

Za vršioca dužnosti direktora Javne ustanove Opća bolnica „Prim. dr. Abdulah Nakaš“ (u daljem tekstu: v.d. direktor) imenuje se Prof. dr. Ismet Gavrankapetanović, ljekar specijalista ortoped.

II

Imenovani preuzima dužnost v.d. direktora počev od 01.07.2020. godine, od kada preuzima sva prava i obaveze po osnovu vršenja navedene funkcije.

III

V.d. direktor iz tačke I. ove odluke imenuje se na period do 6 (šest) mjeseci.

IV

V.d. direktor iz tačke I. ove odluke ima sva prava i dužnosti direktora.

V

Ova odluka stupa na snagu danom donošenja.

O b r a z l o ž e n j e

Direktoru Javne ustanove Opća bolnica „Prim. dr. Abdulah Nakaš“ prim. dr. Zlatku Kraviću sa danom 30.06.2020. godine ističe mandat na koji je izabran na poziciju dužnosti direktora Javne ustanove Opća bolnica „Prim. dr. Abdulah Nakaš“.

Upravni odbor je dana 08.06.2020. godine uputio Ministarstvu zdravstva Kantona Sarajevo Prijedlog Odluke o imenovanju v.d. direktora Javne ustanove Opća bolnica „Prim. dr. Abdulah Nakaš“ broj 43-102/20 radi dobijanja prethodne saglasnosti nadležnog Ministra zdravstva za imenovanje v.d. direktora.

Dana 16.06.2020. godine odnosno 18.06.2020. godine Sekretar Ministarstva zdravstva Kantona Sarajevo je dostavila Odgovor na Prijedlog za imenovanje v.d. direktora broj 10-04-20227/20 u kome je navedeno sljedeće:

„U vezi sa članom 66. stav (4) Zakona o zdravstvenoj zaštiti („Službene novine Federacije BiH“ broj 46/10 i 75/13) direktora zdravstvene ustanove čiji je osnivač Kanton, koji se imenuje na mandatni period od (4) godine, imenuje Upravni odbor zdravstvene ustanove, uz prethodnu saglasnost Kantonalnog Ministra.

Imajući u vidu naprijed navedenu citiranu odredbu Zakona Kantonalni Ministar zdravstva ne daje prethodnu saglasnost na imenovanje v.d. direktora zdravstvene ustanove čiji je osnivač Kanton“.

Dana 18.06.2020. godine Upravni odbor je uputio Urgenciju Prijedloga za imenovanje v.d. direktora broj 43-106/20 Ministru zdravstva Kantona Sarajevo.

Ministar zdravstva Kantona Sarajevo je usmenim putem uputio Upravni odbor da se obrate Ministarstvu zdravstva F BiH radi dobijanja tumačenja člana 66. Zakona o zdravstvenoj zaštiti.

Upravni odbor je dana 19.06.2020. godine uputio Akt Ministarstvu zdravstva F BiH broj 43-107/20 kojim traži tumačenje člana 66. Zakona o zdravstvenoj zaštiti sa posebnim osvrtom na to da li Ministarstvo zdravstva Kantona Sarajevo daje prethodnu saglasnost na imenovanje v.d. direktora zdravstvenih ustanova čiji je osnivač Kanton, na koji Ministarstvo zdravstva Federacije BiH nije dostavilo tumačenje do dana održavanja sjednice odnosno do 23.06.2020. godine.

Imajući u vidu navedeno, odlučeno je kao u dispozitivu.

Pripremila:
Amira Petrović, BA općeg prava
Sekretar Upravnog odbora



Predsjednik Upravnog odbora

Dr. Sead Željo

Dostaviti:

- Imenovanom
- Upravnom odboru
- Ministarstvo zdravstva Kantona Sarajevo
- Odjeljenje za pravne, kadrovske i opće poslove
- a/a